

桴亭先生詩集

桴亭先生詩集卷六

太倉陸世儀道威著

丁酉至庚子

初春十四日魯岡先生招同石隱子久殷重聖

傳家園看梅

以下丁酉

春風庭院早梅開勝友同過亦快哉問字祇應攜酒

至談心恰爲看花來住山雅羨林逋興

時公買梅花別墅於楊林

塘北將卜居焉得句深慚何遜才樂事只今殊未易歲寒相

遇且銜杯

同傳須彌過陸退菴村居

中原勲業竟蹉跎十載田園兩鬢皤  
聚米山川成幻夢封狼心事付悲歌  
樵童漁父徜徉老酒盞詩篇感慨  
慨多賸有牀頭雙劍在夜深風雨自  
拏摩

送王子懌民同令師虞九赴北雍作

晚春天氣正新晴言子河梁事遠征  
小苑鶯聲迎馬細長隄柳色拂船輕  
老年師弟如昆仲新識雲山勝友生  
好記杏花時節在明年此際是歸程

題范氏五賢祠

范氏家聲海內知瞻依更識五賢祠  
簪纓奕葉來唐宋

宋

范氏五太師  
自唐宋迄明

靈哲淵源在本支

五太師俱爲大忠  
賢萃於一門

節世傳原有自

文貞公死節其先祖平章公在武后時亦以忠諫死

甲兵家學

遞相師

文正胸有數萬甲兵明正德中潘溪公在邊亦以大司馬著聲

無窮福澤由

明德靜對前徽有所思

題金孝章春草閒房

小築幽人室空階碧草生春風吹雨過一夜滿前汀

和袁景文白燕詩從高巖培之請也

故壘雕梁事總非空巢林木亦應稀閒心已逐眠鷗  
住素羽還隨化鶴歸擬向山中依白社羞從巷口傍  
烏衣春風盡入昭陽殿秋老湘南獨自飛

壽胡彥遠尊人靜菴先生六十長歌

靜觀樓頭秋社畢歸向衡廬臥蓬華黃昏平頭來扣  
門云有山中遠行客山中之客來迢迢葛巾野服何  
逍遙自云樵李有同調得識姓字稱神交干戈未平  
聲氣急杯酒文章紛似織素心落落比晨星詎忍相  
逢不相惜樓頭飲酒樓下臥抵掌三人道平素獨憐  
親老更家貧坐對欸歔愁歲暮短衣窄袖纓胡纓挾  
冊辭家事遠行傍人爭笑長安客萬里誰憐負米情  
當路千金如外府買得胡姬年十五漫道風流學長  
卿似續先人承妣祖知君有父正耆年抱道不仕全  
其天六十林泉好文墨欲向海內徵長篇賤子今年

四十七環堵蕭然家四壁有母饗殮愧未能井蛙局  
處心滋戚先生有子如神龍泥蟠天飛不可窮篋中  
自有千古業如在雜部鳴鐘鏞紛紛衆響何足貴珠  
玉在前形自穢何況焦僂尺寸長欲與時賢爭項背  
吾聞彥遠學道者萬事現前如土苴得親順親久有  
道豈必區區藉風雅越江淮水流湯湯往來孔道當  
吳閫枉駕至婁纔百里何不過我徒相望

和白林九使君開劉河作

漢庭都水屬司農廿載劉河竟未通淺草平沙荒磧  
雨斷葦衰柳暮江風兩朝聚訟終無緒百職焦勞鮮

奏功何幸重逢劉夏績卽看歌頌海天東

又和白使君仲春歷劉河夜宿金粟菴

百年功業一身擔半榻清風古佛菴月出行雲天欲

闊

分體本  
闊作黯

煙分落照草拖藍僧徒入座威儀肅父老

園橋笑語誦指日滄江成巨觀穹碑屹立可能函

和白使君督工劉河雨歸

已自餐風宿何堪冒雨歸

公夜布帳  
雨不張蓋

官廚薇蕨飯糶

被芰荷衣

公自給飲食自攜糶被一毫不以累  
民布衣蔬食有貧士所不能堪者

祇覺

三農病焉知百姓肥千秋公論在甯問是耶非

時嫉  
公之

功者  
甚多

端午日白使君招同殷重確菴周臣雲閒董少  
楹寄餘亭宴集卽步使君韻

新綠濃陰日正長  
天中佳節賸風光  
庭無纖訟蒲觴  
靜民有餘閒  
競渡忙牆角  
風生油幕  
輦竹林人醉小  
亭方

一作芳

使君好客能忘分  
秉燭談詩心

一作解更揚

仲夏十二日白使君林九約往王太常東郊看

荷周臣端士異公布席揖山樓  
略去苛禮雜  
坐凭欄清風徐來香滿四座  
少焉月出移席  
臨流露氣花香  
山容樹色疑非人間境也  
使君樂甚卽集分韻人賦一首  
時同集者武陵



吳興公正宗維揚陸無文朝陽羨任文素雄  
雲閒董得仲黃子少楹枿及予與顧子殷重  
陳子確菴也

樓頭開宴午風輕樓下移樽晚更清花自若耶分衆  
妙飲如河朔集羣英紅葩映月紛紛白暗葉傾珠顥  
顥明最是香山能好士新詩容得野人賡

白使君招飲衙齋卽事

木落虛庭露氣侵琴堂相對共披襟微雲疏雨高秋  
思絳燭清樽永夜心世事眞堪成浩歎深情只合付  
長吟小亭新築多黃菊取次花開擬再臨

過膠水道經新開劉河有感作

婁江故道久揚塵無米成炊劇苦辛

時役費俱不動官帑悉從民間

措辦三邑趨風民似子四旬興作役如神

崑邑鄉紳雖閒有不欲庶

民則仍

兒童聯袂誇新漲父老開眉說舊津二十餘

年憂旱潦功成應未許人嗔

猶記遼東御史來

秦公曙

濟河興作檄如雷司農握算

嗟無策郡國持籌慮乏財

時議費七十餘萬

一紙劉公書忽

下千年神禹績重開

御史李每事以尺幅遺公故河事不勞而成

奇功未

遂身先退淚雨成江恨不回

九月二十二日白使君新築初成聞予有遠行

同曹子尊素邀入看菊卽事一律卽用使君

徵科詩韻

新成小築乍登臨接席開樽一解襟滿座無詩非白

壁

時壁閒多使君新作

四知有菊勝黃金

室中惟菊數本他無長物

燒殘絳

燭三更雨話徹冰壺一片心

坐對甚久無一語及私

靜對焚香

清似水麗譙鐘鼓自深深

和使君徵科詩蓋壁閒新作也

舊賦猶存現賦臨鄉城相顧淚盈襟鋤禾有汗頻沾  
土點鐵無丹可化金忍死久拚原憲骨回生還仗使  
君心壁閒讀罷新裁句始識催科撫字深

辟疆園澄懷社集卽席分韻

舉目青山是處愁  
桃源漁父路悠悠  
峩眉風雪林巒迴  
海嶠雲霞鳥嶼浮  
意共向平樓五岳  
誰從陶峴借三舟  
不如坦腹長松下  
欹枕看圖作臥遊

登君山望大江有感兼示言夏

猶記春風共濯纓  
披襟長嘯大江橫  
檣帆萬里來滇蜀  
樓殿三山見島瀛  
誰使金陵收王氣  
遂令鐵馬碎孤城  
蒼茫獨立松杉晚  
愁對寒濤百感生

贈睢陽馬功蜚蕭縣蔣伯昌兩明經時將過婁

見訪適江上相值  
乃訂約明秋且出二扇索

書卽賦一律并寄呈寶應盧儋石

聞道君將到海東，偶來江上恰相逢。  
立談便叩先王典，坐對眞成太古風。  
詎有浮雲遮白日，卻如雕鶚縱秋空。  
宮牆咫尺明師在，遮莫春風坐此中。

和毘陵楊馭初見贈作卽留別馬伯河湯公綸  
劉旭采蔣寅伯諸同學

東來海上片帆輕，秋盡寒江萬木清。  
瓢笠偶然乘興會，山川何處不精英。  
遠峰沐雨依稀綠，孤月侵霜特地明。  
吾道未窮猶有和，羲皇一曲定誰賡。

周存梧孝廉行略題贈周孝子孝逸卽誌哀輓

古人重乞言今人以爲例望門馳片紙茲事等兒戲  
乞者固不誠贈者亦無味吾友周孝逸至性良可喟  
英姿本倜儻似太露奇氣乃於人倫閒孝友獨真孳  
父志鬱未伸生平以爲愧四十居父喪哀慕若童孺  
見人拙言辭往往頭搶地手持先人狀未讀先隕涕  
謂我不善譽終懇一言惠感此誠意篤三復讀長跪  
首言先世德積厚生偉器次言舉南國公車屢不第  
終言公數奇動輒與禍會獻玉旣被刖請纓復遭繫  
言之摧肺肝語語流血淚讀罷長歎息相對復歔歔  
古來英雄人會亦有顛沛始雖垂翅歸終能奮翼去

奈何君先人一蹶遂永躓蒼天高寥寥仰視但一氣  
報施不可知或者在後嗣賤子託交未無以共勸勵  
願君崇令德努力表先志繼述古何人有爲亦若是

過梁溪東林書院舊址

東林書舍舊城隈聞道當年海內推鄉里程朱聊自  
淑朝廷洛蜀已相猜忠良既逐奸邪盡宗社旋隨黨  
錮灰自古人亡邦國瘁夕陽衰草有餘哀

答璧水陸秋玉見贈作

有鳥羽翮異云自丹邱來噉噉將九雛山澤何悠哉  
亦知飲啄難十步九徘徊偶然天風生飄飄遊九垓

衆鳥與之俱飛鳴起塵埃豈能不食宿中心非所諧  
慚謝同林侶殷勤歌德衰

新正六日約及門諸子輯宋五子書夜飲抱經

堂

以下戊戌

溪頭春回春意迫梅萼如珠柳芽白茅堂列几陳素  
書筆硯精良紛四壁及門諸賢何纍纍清晨共集草  
堂裏校讎繙閱各盡誠頃刻分詒數千紙是時春寒  
猶未退硯蹙輕冰珠玉碎含毫呵凍心力疲斗酒歡  
娛聊共對少年英妙各負奇有酒便欲吟新詩揮毫  
刻燭俄頃成句中往往多精思詩成酒闌旋布席旗



鼓重開論平昔功名道義兩相持四座波瀾推未息  
嗟予頽老更善病短榻垂簾一燈映幾同推枕起復  
眠臥聽雄談紛四競諸賢諸賢勿復然吾生與爾命  
在天讀書窮理吾所得眼前富貴如雲煙君不見百  
源山中邵康節深夜寒山坐寒雪匹夫名譽走公卿  
千古高風動稱說又不見巍科鼎甲何代無勢焰炙  
手如紅爐一朝傾跌遂赤族自恨不得爲屠沽諸賢  
諸賢慎勿爾德業千秋在經史應念當時五大儒師  
弟相成亦如此

舟中聽徐成初鼓琴

畫舫煙波裏悠然響素琴人同一鶴瘦水與數峰深  
古道久不作希聲何處尋曲中餘靜對四座淡無心  
紫玉驄答沙生介臣

紫玉驄才何雄產自渥洼閒不與凡馬同一鳴墮地  
赤光滿汗血千里追長風平生不願受羈勒絕漠荒  
沙縱奔逸朝發扶桑夜西極虎豹見者皆屏息紫玉  
驄真雄才爾家本龍種何用隨駑駘不見天馬行空  
御雲氣神龍爲伴蛟爲侶震雷砰砰電如矢騰踏九  
天作霖雨

初夏七日入澄江公署時學憲張公聘修五子

書成也

官署高樓鼓角徐五更睡醒夢魂舒才非司馬偏多  
病窮類虞卿亦著書海國夜寒聞雨急江城春盡得  
花疏家園櫻筍應新熟何日扁舟返故廬

署中見芍藥

桃花初放去庭闈芍藥花開尙未歸慈母不知遊子  
意倚門應自盼斜暉

答四明姜桐侯見贈作

石上驚看倒薤書更貽篇什慰離居何能每事皆稱  
絕自是君才獨有餘天意未教開俊傑世情安用問

迂疏昨宵曾訂看山約擬共扁舟縱所如

越嶼姚代人讀予乘桴傳有贈依韻奉答

何物狂生學著書縱懷直以海爲居非逃人世情偏  
愬爲抱遺經意有餘自信乾坤容放誕不愁時俗笑  
迂疏剡溪聞道多名勝便欲乘桴恣所如

嶼地卽  
舊剡溪

王太常東園芍藥盛開邀白使君及羣公讌賞

賦詩予在澄江不得與歸索補作卽次白使

君韻

春暮名花豔滿枝慙勤更值曉風吹平池萬頃非溱  
洧上客頻來傲別離小折香分荀令席醉吟清入使

君詩病餘江上多鄉思夢到芳園月上時

次韻和誠之

問道豈辭遠攜舟一躋攀漆經藏魯壁遺獻在商山  
白髮才逾壯立心老更閒東來多紫氣吾欲往函關

同誠之夜集彙旃養中堂卽次前韻

相思非一載此夕得追攀樂意樽前菊秋懷湖上山

時約同遊  
青山石屋

交深底用醉心曠自能閒何日東城畔同

君學閉關

高彙旃學憲新成石室卽事二律

惠山東畔一峰幽峰下鳴泉日夜流地祕靈奇存太

古天留風月待清修松楸岬岨先塋暮

彙旃先塋在山之南其爲

石屋蓋明發之思也

薇蕨煙霞古國秋誰訝袁闕居士室達人

端合老林邱

忽從幽處闢榛荆石室懸崖似削成蹊路不通人世  
迹澗流猶帶舊時聲山閒樹色層層翠檻外湖光隱  
隱明隨意讀書兼習靜百源重見邵先生

先生爲忠憲後人蓋

理學之傳也

同呂誠之陳介夫遊高彙旃青山石屋

新成石屋傍山隈翠壁如屏澗道迴城市相看原咫尺  
幾人能向此閒來

惠泉

不盈不竭幾千年一掬滄泓海內傳恰是至人方寸  
地涵濡萬古只淵然

滴露泉

惠泉萬斛供人求此水惟憑一滴流彼亦不多茲不  
少無加無損總千秋

點易臺

天產名泉如滴露先生點易築成臺臺空人去泉還  
滴更有何人點易來

二泉書院廢址

廢院空山古木平  
遊人還識舊堂名  
只今壞道哀湍裏  
猶帶當時絃誦聲

拜二泉先生遺像

破院秋風蔓草蕪  
空庭荒柏竄鼯鼯  
遺容俯仰增三歎  
誰識當年眞士夫

遊秦園

山畔爲山小築竒  
迴廊曲檻跨清漪  
誰云點染無佳致  
一著人工便遠而

誦高忠憲祠

絕學孤忠一代希  
雖膺國恤尙餘悲  
祠堂寂寞溪山



昨惟有行人口似碑

與介夫同遊諸勝歸飲高彙旃芳草堂抵足談  
道介夫以詩見贈賦此答之

好風晴日山川麗明月青燈笑語深是處天機君自  
領不須境外別求心

湯襄武點將臺

點將臺空月色明古祠高迥靜無聲城頭萬樹寒鴉  
急猶似將軍夜勒兵

宿惠山寺白衣殿

棲息來禪寺幽窗愜我心暗泉流細響古樹落高陰

一枕鳥聲近數峰  
山雨深呼童敲石火  
試茗助清吟

試茗

獨坐成幽况  
山窗試茗鮮  
好風輕逗火  
細雨薄添泉  
爽氣新晴後  
孤懷落照前  
一椽如可惜  
不惜住經年

聽公調鼓琴時園有二鶴

老樹高堂下  
清泉白石閒  
幸逢琴絕調  
况有鶴雙閒  
杯酒希懷葛  
詩書述孔顏  
翛然成太古  
何處更深山

韻答之

秦家名園風日清故人移榼山  
轂輕談詩說樂古時  
趣唳鶴鳴琴世外聲愧我少壯  
每止酒羨君老健常  
干觥何日陶潛能痛飲東亭卻  
載酒船行

謁道南祠祠祀龜山先生以下凡十九人

城上西風夕照催我來瞻拜道南祠  
空庭古木神靈  
肅老屋殘碑姓氏隳屈指宋明還得幾  
傷心今昔漫  
成悲淵源一綫誰能嗣獨立虛堂有所思

讀友人詩賦贈

止酒過半載今夕忽持卮散髮高松陰  
讀子詒我詩  
詞旨何清新冷然沁心脾鄴侯有仙骨  
庾鮑非所期

時俗競新妝，嫫母結巾襦。盈盈江漢女，皎皎雙娥眉。  
但理嫁衣裳，不恥無良媒。如何窮巷中，尚有絕代姿。  
美玉不求售，祥麟不受羈。行行慎千里，願子堅自持。

賀邵當伯生子時正修二泉書院

吾到惠山久，深欽當伯賢。立心常處厚，

當伯居長讓其弟爲奉祀

任事必居先。祖業方期振，孫枝已報添。天心應有爲，  
慎勿負家傳。

贈陳爾彥介恃母夫人五十壽

聞道筠塘多大節，至今遺範在閨闈。月明桂海珠雙  
耀，雷動龍門鯉一飛。鶴髮尙看玄髮好，舞衣還著錦

衣歸名賢有後人爭羨善教終當誦母徽

客睡

枕簟新涼野寺空疎星殘月下簾櫳客窗清極渾無  
寐一夜秋聲絡緯中

宿山寺有歎

吾愛惠山好來游豈偶然閉門幾兩月禁足似經年  
企息窺林表閒眠弄水泉

所居寺卽在山麓檻外有泉

平生看山

興選勝竟無緣

旅夜新寒

高窗數點雨不覺動秋聲客枕添衾薄吟蟲入夢輕

著書悲短髮多病怯虛名俯仰懷先哲蹉跎愧此生

山中聞秋雨

松風颯然至山雨霏微集此景誰不聞妙領在心得  
戊戌秋吳郡人家秋海棠開花至半忽發一枝

如芙蓉約數朵後復如海棠其家異之繪圖  
乞詩四方予曰此花妖也因爲作二絕句

已是妖嬈絕世姿奇葩幻出更何如祇應天上求殊  
色不覺人閒草木知

從來殊色在春和已歎紅顏薄命多異種秋生誰不  
愛西風一夜奈愁何

山居值誕彙旃學憲移樽同呂誠之至山小集

次日誠之以詩見貽卽韻奉答并柬彙旃

七月三十天氣清空山久住沈疴輕把書忽見松子  
墜欹枕但聞流水聲自嗟落拓已忘歲安用鄭重來  
移觥所恨足弱喜坐臥不得相共山中行

誠之尊人年九十學使者西山張公以禮旌之

是日懸額予病不得往作詩以贈卽用前韻

君家有水當門清君家有親杖屨輕黃庭燈前讀細  
字綵服堂上啼兒聲世榮那足重園綺草具聊爾當

羸觥

子不能往  
遺以野蕨

料得雙雙兩白髮

誠之亦  
古稀矣

送客河梁

扶醉行

西山張文宗修二泉書院成述事一百韻

我昔過青山本爲石屋耳

戴旃構石屋於青山予同友人往觀

行行歷

惠山汲水漱其齒徘徊古殿上宛轉花園裏聞有舊  
時松千尺挺奇偉經過左山麓傍有老屋圯友人顧  
謂予此是講堂址予問講堂誰二泉邵公是邵公在  
當年聲名動寰宇願爲眞士夫千載傳斯語胡爲絃  
誦區今昔遂如此愴然摳衣入荒草沒人股亭臺半  
傾壞蛇虺盤礎柱杈枒老樹偃躑躅鼯鼯舞登堂見  
公像再拜復瞻觀衣冠已剝落榱桷復頽毀四顧三



歎息悲風起庭戶旁有讀書者人言此邵氏一寒如

范叔塵土生甑釜提攜既無人衰落亦應爾

邵氏子名大棟

還探滴露泉泉源已久徙

邵公作講堂泉乃來今旋講堂久荒泉亦不復至

登點易臺亂石徒纍纍忽見藤蘿中穹碑臥澗涘拂

拭碑文讀駭拜難仰視碑圖子在川在昔肅瞻禮何

年竟偃仆樵牧供步履予時神魂悚心口遂自矢茲

行若得聞此非他人事

時子奉文宗輯書之聘

先賢有靈爽後

賢遂心啟契合在冥漠不煩人置隊偶爾讀詩章憶

焉念先矩

子遊惠山有弔古詩數首中有講堂諸作文宗讀而有修葺書院之舉

符檄

下縣官且夕疾如駛履勘先賢迹刻期修廢墜維時

方經營二賢任其始

學憲高彙旃  
學博孫介巖

心力雖靡惜恆慮

工弗底張公曰無庸我俸尙堪予百金忽然頽撤餐

及壺盞

俸不足以  
杯壺繼之

一時城邑閒歡聲滿人耳貧賤願

助力賢智效心膺

時任董率之勞者爲  
邑生施公烈楊善嘉

衰老扶杖觀

幼稚牽衣喜鳩工復庀材遠近聞邪許踴躍來赴命

馨鼓與百堵舊者一以新廢者一以舉穢者一以除

仆者一以起功成眞不日疑有神靈輔公來謁祠廟

周覽及臺圃兼爲俎豆謀低回思繼武維時諸賢達

咸稱棟兄弟

卽讀書院中者  
有兄名大梁

公詢棟能文遂以奉祀

許

梁棟共見公於點易臺梁  
謂弟棟能文遂許奉祀

百年衰替局一旦成嗅

咻旁觀皆歎息甚者爲出涕咸謂西山德幾與二泉

比公論起學校遂乃謀報祀卓哉橫渠派

文宗爲  
橫渠齋遠

及梁溪渚巍巍古賢祠秩秩新賢廡山高水復長擬

與共千古公知日無庸望報古所恥聞有忠定祠李忠

定網文莊舊所庀咫尺講堂前嗟哉蔽風雨將無移此

像於彼新廡處善繼必繼志應非靈所拒遂乃檄縣

官縣官急佩組呼集衆父老府史及徒胥將移忠定

像新廡陳豆俎父老牽衣啼僮輩所不與我家有子

弟張公所訓砥我架有詩書張公所新梓敦之以孝

弟深之以義理方愧無所報以爲吾邑恥幸藉文莊

靈區區盡誠鄙何乃易初念遂至廢前軌維時諸子

弟咸執父老旨喧闐日將夕諭者莫能止旁有邵氏

子痛哭訴原委昔我先文莊年老艱子嗣身歿尙未

幾講堂生棘楚詎曰無所司紛紜互爲市否極泰復

來遭我祁御史御史諱彪佳以邵復還邵獨畀先君子諱澄

祁始王繼之王諱鶚前後兩直指苦心妙幹旋賴我陳

太府太府諱璋又有諸賢達西曹曹公及駕部錢公考功

徐公孫孝廉諱敷比部薛公郭侍御諱維衆力共支

撐乃得留此土我意祠張公俟功稍有緒兼祀昔有

功祁陳兩公祖此事若中輟我生又何倚觀者咸歎

息議論莫適主旁有白首翁一杖當頭拄上前三致  
辭老拙恕莽鹵使君骨肉恩銜結尙難補况此一椽  
微渺末小香火但官所執義煌煌誠大體茲宜勉完  
工虛其中以俟後來有同志庶幾續前美衆論方歸  
一聽者咸唯唯予時方抱疴習靜山之址披襟看山  
色散髮弄溪水日夕聞遙頌不覺動心腑夙懷旣已  
遂往事豈忘譜援筆賦五言聊以述細瑣

贈楚黃程歲霖孝廉

秋老空山水木清相逢握手愜平生元龍氣盛非湖  
海司馬才高薄寵榮說劍每懷家國痛籌時深悉古

今情天心未肯閒豪俊歲月隆中莫漫輕

答彙旃學憲見贈作

秋期講約竟蹉跎

先時學憲曾有約八月十七日會講東林

偶趁江濤買

棹過黃菊傲霜花尙健清樽寒月酒偏多吾生自合  
憑元造世道誰爲挽逝波幸有東林喬木在願依高  
蔭息巖阿

和高南旃護蘭詩時方談動靜之功也

護蘭期護花護花先護葉培養在本根貞元自相接  
蘭之香在花花之原在葉慎於未發前天心乃可接  
燕居廟謁聖聞木主係東林之舊因瞻仰太息

見說當年先聖主劫灰不動儼然存荒城魯殿瞻依舊  
孔壁藏書扃護尊吾道人心原日月斯文終古自  
乾坤可憐白露秋風裏何處園陵欲斷魂

題再得堂堂爲主人高彙旃學憲所建取龜山

詩此日不再得意也

此日從來難再得况於今日倍爲難秋風戰伐乾坤  
小舊雨荆榛禮義殘東海精誠銜木石西山涕淚感  
衣冠誰能不負相成意堂構還令復舊觀

王母篇壽松陵吳赤溟母夫人六十

有小序

樂府一途自漢魏而後惟李杜兩公爲得其

意李能卽古以見今杜能卽今以入古在明  
則劉文成李長沙餘子模擬剽竊不足復論  
松陵吳子赤溟與其友潘力田同唱和爲今  
樂府與予所論意殊合予讀而敬愛之又聞  
二子明習國家典故將以耕讀餘閒續成一  
代之史益以不獲把臂爲恨戊戌秋吳子之  
母黃太孺人六表同人爭以詩爲壽吳子馳  
書予友確菴徵予一言予學宋儒者也詩家  
故以宋爲忌子烏能詩然而景仰之私則又  
不可不一言也爲作王母篇以寄吳子聊當



一觴井以示潘子質其可否至於言辭之不  
文則故以其宋儒而忽之可也

天門扃闔閉仙人紛紛下平地驂駕鸞鶴鞭青虬  
御我王母遊戲人閒世世人氛濁何茫茫長鯨吞九  
州海水襄八荒山川瀕洞不可識日月闇淡無晶光  
方平麻姑相告語眼底滄桑一何苦劫灰冥冥不可  
極誰能拯之叩天姥天姥憫下土鏗鐘訇天鼓會召  
羣仙真輝煌聚瑤府下土毒積何由深乃在是非變  
亂紀載失真麒麟遭彈鳳被射蚊蚋鼓翼蝦蛆靈三  
百年來黑白混上帝赫怒遂使一氣顛倒神區傾何

以補救之別白人獸培其天何以昭明之洗發光氣  
開其先驅走龍門役班范歐陽司馬流汗奔走如郵  
傳書成仙子獻王母王母一笑拂拭玉宇開瓊筵文  
章照耀二儀朗願我王母壽萬年領羣仙

仲春九日同高彙旃學憲陪西山張文宗登二  
泉書院小憩海天亭夜飲

以下己亥

二月春陰上布袍東風吹雨作松濤樓船夜過江潮  
急講院宵開海月高宇內只今猶戰伐山中何幸得  
千旄著書不朽吾儕事指授深煩使者勞

時又輯經史一貫遺

札共商  
凡例

次日又泛舟惠山陪飲

積雨暗山麓放舟波浪間酒杯幽興足煙水白鷗閒  
今古雙睜眼詩書一破顏野人無忌諱容易說時艱

客中梅信逢雨念家園作

久訂山頭看梅約不道客中梅信傷惡風十日臥小  
艇急雨一夕過吳閭疎林晝吹石壁淨古道夜墜蒼  
苔香速歸沽酒拉吾友牆角數株猶未央

仲春十五日登江上偕曹子頌嘉南樓看梅

入春將半四十日三十九日風雨頻一日乍晴見梅  
樹卻如亂餘逢故人傾歎委頓不自得飄搖零落沾

泥塵幸留數朵好顏色亦覺慘淡傷精神只今海國  
尙戎馬登樓撫景何爲者極目關山總不堪醜酒長  
歌淚盈把君不見嶺南五嶺梅花天殺人如麻愁萬  
千

十九日再過吳閫遇梁溪錢礎日崑山歸元恭  
於袁重其齋同約西山看梅並舟至西津風  
雨大作宿徐子能寓時在僧舍周子佩子潔  
亦攜酒過訪次日風雨更劇子能倡韻諸君  
皆繼作焉

小艇西來趁夕曛相逢萍水恰同羣吳山坐對看風

雨蕭寺閒眠弄水雲吾輩何方能選勝天公有意欲

徵文

時乞詩文者頗衆苦無暇雨中一日皆徧應之

剡溪興盡還歸去鄧尉

餘香卻讓君

聽鸝軒詩爲李膚公作膚公爲江陰李忠毅公

長子公盡節時詒子詩有且將耕讀聽黃鸝  
之句

覆巢完卵古今悲一穢猶存君宥之豈料廿年天步  
改九州無土可耕犁

戲題歸元恭僧服小像

喫酒狂歌十五年鬢髮贏得髮齊肩高睜雙目參公

案不學人閒閉目禪

瘦勝肥兮狂勝癡  
放言野服自詠奇  
卽看抱膝蒲團上  
卻似吟成梁父時

雪月風花對酒罇  
帝皇王霸氣騰軒  
知君近愛程朱理  
終是龍川與百源

魯公書法東山弈  
韓愈文章杜甫詩  
幻相更爲僧道衍  
箇中不是好男兒

陳皇士入山探梅得八物以歸因出手卷一命

子爲詠物詩成八絕句倉卒命筆不能工也

芝石

芝長二尺許生石上并石取之

詩集卷六

芝生何連蟠託根在石上采芝復鑿石山靈亦惆悵

樹根

老樹如奇石嵌空復靈怪若遇米南宮應須下階拜

王文恪筆

聞公在當年此筆曾畫日畫日今安在對筆空歎息

蜂房

厚四尺大如  
五斗米甕

昔讀阿房賦知愛蜂房窠今覩蜂房奇轉訝阿房小

方竹杖

竹本虛心者杖乃吾所賴爲嫌世俗圓所以方其外

機圓

樓團來山中云在得悟後試問樓團上還有悟迹否

白拂

塵尾今何多清言不可得搜取出山來老僧應失色

葫蘆磁瓶

高四  
五尺

磁瓶大如甕上有四仙人應是古壺公跳身玩青春

季春四日同元恭石隱確菴小集儀臣靜觀樓

卽事共賦

三月初過上巳一春幾見晴明著屐正逢急雨卷簾  
忽覩飛英

暇日良朋勝友畫樓酒瓊棋枰燭跋雄談未倦夜深



奇句猶賡

又步元恭韻

天末輕雷閣雨花叢  
好客登樓陽春恰當  
三月樂事人占一籌

階前小山如揖門外清溪  
自流花落雨聲未已  
詩成鉢韻初收

鬱林石爲吳錦雯司理賦

鬱林石何龍嵒其來乃自大海南  
追隨廉吏揚清風  
漢興迄今二千載何爲至此尙爾埋沒莓苔中  
吾聞廉吏不可得垂橐而入捆載而出  
錙銖不肯留何獨

置此石此石饑不可食寒不可衣達官兩眼如賈胡  
豈能垂盼一顧之惟我吳公有奇癖不愛黃金只愛  
頑石一日三摩挲再拜加翦拂石兮石兮汝來本是  
大海南陸公涉海憂風波取爾相載共一船今日吳  
公所歷皆康莊無藉爾力於爾何有焉殷勤爲爾歌  
短篇俾爾聲名籍籍天下傳後來人宦此土者讀公  
之詩覩公石知公之心良獨苦當與戒石共千古

梅花時予舟過吳門至再欲登山看花輒爲雨  
阻讀程翼滄學博同金陵余澹心雨中探梅  
十絕慨然念之舟行無事濡筆爲和以寄翼

滄

晴雪春山廿里開  
誰人不愛看花來  
生憎無賴風和雨  
十日顛狂送早梅

春風欺人作春雨  
梅花雨中吹滿山  
贏得三旬遊屐少  
誰人卻似兩公閒

日日看花日日忙  
扁舟竟滯水雲鄉  
卻憐野寺平橋下  
猶有疎枝對夕陽

每到花開便惜春  
頻來終是看花人  
不如買屋好山裏  
與爾年年作比鄰

萬樹花開萬樹香  
一天明月一天霜  
廣平不賦清新

句海內誰知鐵石腸

花信逢寒花發遲踏花衝雨也成癡卽看庾嶺風中  
落猶勝龍城笛裏吹

元墓家家花滿家依山傍水整還斜儘教舊雨兼新  
雨看盡千花與萬花

雨雨風風遶樹枝開花直至落花時幽香似怪遊人  
雜寄語遊人知不知

花發寒深花也愁荒村難典鷓鴣裘千峰寂寂無人  
至風雨孤山一葉舟

花裏看山山欲無花邊一片是明湖我知花好花知

我日日天涯總不孤

贈黃岡杜于皇于皇時寓金陵客遊婁中值有  
海警不獲唱酬於其別也贈以二律

宇宙亦不小寥寥何乏人卽看詞賦客誰識李唐眞  
播越蜀中老疎狂謫後身文章光焰在金盡未爲貧  
豈不快知己其如喪亂過酒杯徒潦倒詩句亦蹉跎  
天意欲成劫民生將奈何恩恩一握手撫劍發悲歌

晦山願雲和尚子舊同學也國變棄儒爲僧駐  
錫雲居便道歸里過子齋劇談并言匡廬之

勝賦此以贈

一別廿年久歸逢非偶然頭顱悲各異肝膽喜同憐  
劫火未應熄浮生寧苟全何時上廬岳攜手白雲巔  
過太平菴與願公談道

誰謂分流異探源彼此同花拈窗外草杯度舞雩風  
大地任成壞吾心無始終相看各一笑明月正當空  
留別江上諸子時濱海多警江陰竹塘地遠湖

海有村名梧塍里爲孔氏子孫世居不下千  
丁其中之秀則皆予之及門也往相形勢兼  
謀卜居子之歸也各賦詩言別賦此詒之

憶昔遊江上西風又一年烽煙驚四野吾道賴羣賢

擬卜南村地還操剡曲船何時老夫婦來種鹿門田  
南村菊集詩南村老人手自種菊數十本終日  
吟翫九月望後邀予及陸退菴王石隱觴詠  
其下酒酣捉筆各自成篇不限體格聊識一  
時之勝

南村景物幽况乃清秋時天寒白露降場圃築參差  
主人有佳懷淵明以爲師種菊當前軒灌溉手自滋  
移置草堂中光采紛陸離一日三摩挲劇於十五姬  
飛書招我來取酒斟酌之自云五六月烽火正驚危  
老人如不聞裸跣護新枝晨興去蝨蠹辛苦忘渴饑

豈不畏多事此樂性所怡時時著新篇聊復寄所思  
傾筇出示我意致何新奇人生天地閒理亂不可知  
行樂貴及時擾擾欲何爲有花復有酒有酒復有詩  
相過但痛飲世運隨平陂

舊官謠四首贈白林九使君時使君已去任以  
事復至婁東婁城內外夾道謳吟擔酒米奉  
使君者流汗相屬感而有賦

接官亭下鼓逢逢報道賢侯鵠首東臘月嚴寒冰雪  
裏婁城一夜起春風

賢侯在昔蒞婁時鑿井耕田總不知今日滿城歌哭



徧始知六載被恩私

天際窮陰暗不開  
河頭車馬鬧如雷  
放生隄上人無數  
盡爲賢侯載酒來

公道年來不可知  
人閒處處起生祠  
試看今日婁城下  
此是人心沒字碑

和許南村除夕移梅

律窮歲晚逼除天  
移植何爭一夕先  
爲愛古人詩句好  
梅花開日是新年

正月十一日同諸友集儀臣靜觀樓子弟皆從  
以下庚子

初春協風至淑氣動林圃梅花如高人含意猶未吐  
良辰觸佳懷主客自相聚尊行卑者從子弟亦成伍  
登樓散書帙開篋論今古情真氣爲爽樽酒聊共撫  
清言彌可樂戲動皆入矩豈無世俗歡僊僊成屢舞  
伐德古有戒毋爲出童殺

雙壽篇贈許南村姊丈先己亥春初梅花時爲  
南村六十今年庚子花開又當家姊花甲之  
期雖相去一載而一唱一隨可同壽也作此  
贈南村卽壽家姊

南村老梅三十樹一年一度花無數去年主人正六

十酌酒花閒賦詩句今年花開花更妍壽酒又復張  
華筵主人之姬我老姊六十再慶春風前小弟今年  
已五十雙鬢髭鬚竟微白老年姊弟來上壽擎杯相  
共梅花立憶昔少小兒童時翁年弱冠姊次之梅花  
香中賀新歲翦燈爆竹爲兒嬉日月如丸亦何有相  
對忽焉成老醜自念童心尙未除未知翁姊如吾否  
天地冰霜久疑積歲寒萬物皆同厄龍蛇鬱地不得  
奮使我自顧無顏色有客遺我桐花箋揮毫勉作雙  
壽篇夫婦花甲人所羨齊眉恰是齊眉年古來賢哲  
多高尚夫耕婦饁常相傍龐公共種鹿門田冀缺如

賓來陌上君住南村廿載餘桑麻雞犬足安居牆外  
種瓜牆下豆更有梅花覆草廬梅花歲歲如人意一  
歲花開一回醉十年又是古稀時依舊皤然成一對  
是時老弟亦六十三老稱觴相向揖未知酒力定何  
如詩律年高應細入君學樂天才頗近十載竿頭當  
更進相邀再賦雙壽篇賭酒看花君勿吝

雨後同南村訪陸退菴

退菴書屋隔南村一曲清溪帶小園春雨不沾芳徑  
輒野梅香裏叩柴門

退菴以詩邀飲并觀劍槩不及赴書以代謝

聞道牀頭長劍在，更兼江路野梅香。高懷正美卻歸去，辜負春風酒一觴。

送翼微讀書澄江寄示江上諸子

江上春風長綠波，琴囊詩卷一帆過。別來吾黨多狂簡，遙聽鏗然鼓瑟歌。

曉坐見落梅

小窗春暖曉光融，百舌聲高樹影重。庭院微風人獨坐，梅花如雪下簾櫳。

花朝端士昆仲移酒同聖傳孝逸過東園作

春光催客動春憐，乘興移樽蕩小船。出郭市橋猶巷

陌到門平地忽山川花當晴日欣逢歲人坐芳園別  
有天行樂及時君憶否爲君引滿賦新篇

二月十六日集斯友堂分韻得八庚

殘梅飛雪下簷楹白李紅桃又吐榮九十日春剛過  
半兩三杯酒莫辭盈賓朋有禮如皇古烽火初安卽  
太平里巷未須嘲野老朱門寵辱正多驚

二月二十五日同確菴聖傳茂長素樸赴南村  
看桃之約不遇歸至映江門飲田父家卽事

同用灰麻韻

春郊風日綻桃花乘興來過野老家有酒莫教辭痛

飲武陵何處說桑麻

紙窗木榻小茅齋  
弱柳天桃倚檻開  
斜日照人穿竹隙  
菜花黃入酒杯來

次日述事寄南村

夙約在南村  
扁舟問花柳  
所居遠市廛  
自挾脯膾走  
徐徐過郊郭  
行行歷渡口  
主人竟他出  
隔溪空吠狗  
悵然停舟回  
舟行迷左右  
舍舟穿林麓  
放足信所扣  
有花卽主人  
何必問吾友  
沿溪得數家  
桃李皆覆首  
菜花黃如金  
遠映幾百畝  
中有小茅屋  
結構殊不醜  
舍西環溪流  
舍北啟窗牖  
當軒坐短榻  
低枝及我肘

呼童布餽核田父爲煖酒清談雜雅謔小飲時戰拇  
映林窺婦孺隔岸走童叟客醉日色低晚風起颺颺  
行吟賦歸歟折花復盈手人生行樂處所值不必偶  
劉阮經天台不聞坐相守桃源至今傳乃在迷路後  
乍邁斯足奇久習反成狃寄語南村翁此理君知否

毘陵蔡仲全過訪談律呂皇極之學諸友皆集

紺溪講論竟日有作賦贈

律呂精微久失傳卓哉皇極更淵玄聰明忽睹西山  
嗣靜悟真成邵子賢百里神交今乍合千年絕學此  
重宣寄言同志須珍重吾黨相逢不偶然



仲全宿於桴亭池荷一枝正開有作奉和

獨立寒塘浸碧波曉風清露奈愁何人閒此種原應  
少羸得年來日漸多

初秋懷曹尊素時在寧武幕中

極天關塞接醫閭有客蓮花幕裏居聞道秋來多去

雁無由卻寄一行書

寧武去雁門咫尺

滇南文介石先生得家信虞九楚歸聖傳有西

河之痛同志置酒靜觀樓小飲卽席共賦

人生天地閒弱草集輕塵聚散固無定生死亦無因  
理至氣乃從氣盛理亦乘介翁滇之南胡爲海東濱

隔絕萬里外身安道彌尊干戈止復作骨肉終見存  
藥園偶楚遊颺忽動兵氛江波天地闊自分越與秦  
須臾復寧帖相對共此樽寒溪飲溪頭父子樂農昏  
讀書山寺中朝夕共論文衰時憎聖賢魑魅竊生人  
以茲不測理反覆難名論吾儕學道者欣戚慎勿撻  
同在大化中主持固默憑願言勉厥德禍福任冥冥  
寄懷尊素二首

一身挾策跨征鞍老去雄心尙未闌惟有故人知子  
意秋風關塞客衣單

塞上秋風苜蓿肥

原鈔本  
作膜

南無警羽書稀故鄉亦

有鱸蓴美張掾思家歸未歸

過寒溪有觸賦呈聖傳

七月寒潭溪水深繞溪徐步愜幽尋避人小築門常  
閉隔院高松勢欲臨駒豹有徒能變俗沅湘無侶只  
行吟祇餘世外清狂客寂寞相過一賞心

答呂誠之用來韻

君住山頭我水涯相看百里不爭差向平累在辜遊  
屐沈約愁多負酒家石屋近知雲作構東亭遮莫桂  
爲花何當一棹龍山寺共汲清泉坐煮茶

八月十二夜集高南旃齋同誠之彙旃坐月共

賦

薄暮開筵暑乍收  
冰輪西映碧雲頭  
卽看此夕清光

滿已覺人閒  
海宇秋門內  
雍雍見家禮

時座中有高氏子弟尊

前逸逸是名流  
竭來屈指成三五  
坐待圓輝徧九州

十三日同彙旃南旃謁泰伯廟地在城東南二

十里有荆村蠻巷相傳泰伯端委處

錫山城東泰伯祠相傳歷世已三千  
荆村蠻巷如昨日風俗人心非昔年  
古殿梁空蒼鼠過荒庭碑臥乳羊眠  
只今端委尤堪慕瞻拜遺容一悵然

八月十四日東林釋奠并謁道南祠會講麗澤

堂用邵二泉先生原韻

向是先民會講堂一椽初復陟猶荒碑從地底傳來

舊

毀書院時  
碑藏地下

柏是前朝種下香

道南祠  
有古柏

此日再回知

道在

堂名再得  
取龜山詩

流風復整識源長遺經講罷仍三歎

萬古倫常賴表章

十五日游惠山歸泝芙蓉湖作

盡日登臨曦馭收野航歸去出溪頭月來遠水千尋  
影山入暝煙一抹秋風露空濛浮斷泚棹歌容與泝  
中流遙知今日乾坤裏占盡清光在此州

答毘陵唐雲客見贈作用來韻

身將隱矣又焉文矻矻窮年未足云愧此廩困虛歲  
月漫將書卷作耕耘偶逢知己聊供粢無意名山不  
畏焚珍重題詩遠相贈祇應所見不如聞

依韻奉答陸竺生見贈作

儼然齒德屬尊行過量相稱非所望問道無從沂鄒  
魯干時豈敢適齊梁自憐小子抱微尚聞道名邦多  
大方著述滿家猶未讀先聆新句似笙簧

竺生著明  
朝逸史凡

百卷

自鈔自寫意如何柱下藏書滿架多直與乾坤爲砥  
柱誰云歲月賴消磨一龕靜悟生虛白

竺生精  
元理

十日

春風仰太和相視談心真莫逆我來不負此經過  
嗟子狂簡未知裁問禮西游見忽開盛德飲人恆醉  
領元言玉屑自霏來五千言富惠施學一代書成司  
馬才自與游疑當作猶龍相印證私居淵默欲聞雷

荆川大儒祠說太極西銘用竺生韻

西銘太極義重敷賴有同心學不孤吾道向來原自  
足諸公何用更參無擬窮二酉非真學能貫三才是  
大儒莫訝西游輕浪迹商邱七十尙吹竽

謁荆川先生祠

三百年來產大儒毘陵聲望壓寰區文章宗派兼唐

宋理學源流貫陸朱應制餘才傳愈盛救時心事久  
終孚只今吾道榛蕪甚安得先生起共扶

宿楊亮文山園卽和蔡仲全韻

入秋未老景猶妍况是高樓古寺邊檻外碧雲時欲  
落城頭紅樹迴相連論心自是千秋合講學誰等一  
著先幸有羣賢共扶植何當過此住年年

呂誠之先生以子五十作詩見贈時誠之亦正  
七十復詩答之

君是東林老者宿昔年曾見魯靈光稱詩說禮隨先  
輩伐鼓撞鐘登講堂但覺仙翁多甲子不知人世有



滄桑我來攷古頻徵信擬作商賢舊老彭

西山文宗往憲川南賦此贈行

夙昔抱微尚矢懷學儒先閉門陋巷中矻矻自窮年  
豈云抗高節聊以拙自全自從我公來交教初布宣  
諄諄扶正學幽隱皆翕然行經廓前聖刪古惠今賢

公有孝經衍義及衍義補刪

復以干聖脈洛閩爲淵源師儒得其

宗理要乃可傳網羅及小子指授成今篇

輯周程張朱書爲儒

宗理要

惟茲程朱來絕學已久湮近思一錄外誰復窺

遺編自有我公書日月再中天元明多儒者卷帙猶  
紛焉在昔公詒書屬予再丹鉛著書明一貫經史悉

貫穿朝夕侍同堂千古共仔肩斯文一何厄台旌指  
西南維古有王尊臨險叱馭前文翁一入蜀聲教被  
兩川今者公茲行兩賢實並肩蜀土初底定生意猶  
未還乘此布教澤易俗如轉圜邊城不久勞內擢指  
日間抱經伏海澨祇候車駕旋

五十感懷

不覺秋風兩鬢絲居然五十歲華移卽看黃髮傳經  
目猶似當年侍讀時兒女成行驚老大身名未立愧  
鬚眉幾回俯仰生長歎三樂於今詎可期

哀哀生我母劬勞五十年來沒野蒿詎有兒身經半

百未曾母面識分毫廢書徒欲隨王氏泣血何從效  
子臯聞道讀書揚後世江河東下正滔滔

讀書學劍總無成五月披裘躑躅行喪亂飽經衰杜  
甫窮愁獨學老虞卿撫時有淚空長嘯避世無徒可  
耦耕知我其希真已矣牆東託迹了餘生

四十無聞五十推窮年矻矻竟何爲元文楊子頭先  
白勩業周公夢已衰肯信乾坤容我老祇應身世使  
人悲縱橫惟有牀頭簡長伴潛夫佐酒卮

五十年前萬厯中風涸俗美更時豐耕田鑿井油油  
樂習禮歌詩藹藹風雲漢忽焉嗟竭澤黍禾旋復痛

遺宮只今短褐窮簷裏俯仰憂時作老翁

歲月堂堂去我遐秋風短髮漫咨嗟桃源雞犬人空  
老洛社衣冠望愈賒齒未動搖難著果眼猶光彩已  
生花知天學易談何易祇恐東家笑正譁

再過南村看菊讀冒暑灌菊詩賦贈

南村老人愛幽清種菊年年數百莖根芽能辨種粗  
細晴雨解調花性情百日辛勤身不覺一秋懽喜眼  
偏明獨憐送酒無佳客翻向君家索酒傾

答王石隱見贈作

濯纓無處覓滄浪葛屨糾糾自履霜卓爾未能矜獨

立斐然誰與共成章狂瀾不作中流砥幽谷空隨衆  
草香記得陶潛詞意好樂天知命敢遑遑

寄懷王登善提學

淼淼江波萬里長蕭蕭木葉下寒霜故人文教敷江  
漢好客扁舟過武昌

時確菴  
爲楚游

三楚山川歸几案一時

英傑在門牆十年風雨君猶記應笑狂夫老蠹鄉

湖東釣隱歌贈張月鹿

吾聞任公子垂釣東海濱大鉤巨鱗五十犗會稽投  
餌終年蹲一朝得魚海水立千里震蕩聲如神又聞  
孔巢父掉頭不肯住東歸滄海煙霧深釣竿長拂珊

珊瑚樹古今奇士見每同曷不曳杖從兩翁蓬萊扶桑  
浩蕩可以適我意胡爲蹶躡湖之東東方未啟天溟  
濛蛟蜃出沒洪濤中東湖盈盈一勺水碧波清淺光  
融融朝看青山暮歸鴻得魚沽酒歌春風狂奴帝腹  
尙爾嬾不顧何必辛勤夢裏來飛熊

桴亭先生詩集卷六終

後學李聯珪敬校